



*Deur geleentheid tot uitnemendheid*

Privaatsak X5886 Uppington 8800    duineadmin@telkomsa.net  
054 338 8222    054 338 8288 / 054 338 8299

Desember 2017

## OMSENBRIEF 4 van 2017

Geagte Ouers

Die jaar 2017 het ook tot 'n einde gekom. Ons dank aan ons Skepper vir al die seëninge vanjaar en dat Sy hand van bewaring oor ons was met al die reise op vêr paaie.

### 1. Uitslae 2017:

Baie geluk aan elke leerder wat suksesvol was en bevorder word tot 'n volgende graad in 2018! Ons is trots op ons leerders se goeie akademiese resultate. U kind het die geleentheid om sy/haar rapport af te haal by die skool op 6 Desember 2017 tussen 7:00 en 9:30. Daarna word alle oorblywende rapporte gepos.

U kan ook u kind se rapport van ons webblad elektronies aftrek. U benodig u kind se toelatingsnommer. Hierdie nommers is aan elke leerder verskaf. Sien die boodskap in hierdie verband op die "communicator" gedateer 30 November 2017.

### 2. Reëlins 2017:

#### 2.1 Skool Heropen

Die skool heropen op **17 Januarie 2018** om **07:30**. Alle nuwe leerders kom **07:30** by **Huis Gordonia Meisiekoshuis** se **Studiesaal** bymekaar. U as ouers is welkom om die **saalopening** om **08:00** in die **Suidsaaal** by te woon. Na afloop van die saalverrigtinge is u welkom om verversings saam met die personeel te geniet op die grasperk langs die Suidsaaal.

**Administratief sal ons reeds by die kantoor beskikbaar wees vanaf Maandag, 15 Januarie 2018 om 09:00. Koshuisleerders kan reeds Dinsdag, 16 Januarie 2018 vanaf 8:00 arriveer.**

#### 2.2 Skoolure van Skooldag

Die onderrigtyd van Hoërskool Duineveld vir 2018 sal as volg wees:

**Somer:** (1ste en 4de kwartaal)      **07:00 – 13:20**  
**Winter:** (2de en 3de kwartaal)      **07:30 – 13:50**

#### 2.3 Boekstoor:

Indien u van die **bruikleen-handboeke**, wat gratis deur die skool aan u kind verskaf kan word, wil gebruik, moet u 'n **bruikleen-vorm** invul en onderteken om aansoek te doen vir die bruikleen-boeke.

**Hierdie vorm moet aan die begin van die jaar (2018) saam met u kind na u kind se registeronderwyser gestuur word.**

U kind dien hierdie vorm weer in by die skool nadat hy/sy die toepaslike boeke ontvang het en u as ouer/voog daarvoor geteken het. *Beskadigde boeke of boeke wat verlore is, sal deur u vervang moet word aan die einde van die skooljaar.*

Die **handboeke en skryfbehoeftes** wat **u self** moet koop, soos benodig en uiteengesit, is op die “communicator” en webwerf en kan aangekoop word by enige boekhandelaar wat u verkies. **Tweedehandse handboeke, wat deur uself aangekoop moet word**, kan in die Duineveld-boekstoor gekoop word, indien beskikbaar.

Die Boekstoor sal oop wees:

**Maandag en Dinsdag, 15 en 16 Januarie 2018 van 9:00-14:00.**

**Woensdag, 17 Januarie 2018 tot en met Vrydag, 19 Januarie 2018 van 13:30-15:00.**

Die voorgeskrewe modules is ook beskikbaar by die Boekstoor.

#### 2.4 Toetsreeks: Maart en September 2018:

Die CAPS voorskrifte noodsaak ons om aan die einde van die eerste en derde kwartaal tyd in te ruim vir ‘n formele toetsreeks. Hierdie vraestelle sal vroeg in die oggend geskryf word en vir die res van die skooldag sal daar gewone klasse wees (sien datumlys). Ander assesseringstukke sal enige tyd gedurende die kwartaal voltooi moet word. Opvoeders is versoek om vroegtydig bespreekte datums aan leerders te verskaf.

*Ek wil dit benadruk dat die leerders tydens hierdie toetsreeks nie bloktyd het om by die huis te studeer nie. **Ons gaan aan met onderrig na die toetse afgelê is.***

Leerders kan slegs in uiters dringende gevalle met ‘n doktersbrief of sterfte-sertifikaat van toetse verskoon word. Ouers moet vroegtydig by mev. L. du Plessis (adjunkhoof) verskoning maak indien die leerder soos bovermeld afwesig gaan wees. Sodanige leerders moet onmiddellik met hul terugkeer na die skool by mev. du Plessis reëlings gaan tref om hul toets(e) te her-skeduleer.

### 3. **Finansies:**

3.1 U kan op communicator onder die afdeling “Bronne” en dan “Algemeen” die skoolgelde en koshuisgelde vir 2018 met betalingsvoorwaardes gaan lees.

#### 3.2 Vakpakkette:

Daar is slegs ‘n vakpakket beskikbaar vir **Inligtingstegnologie** Gr. 10, 11 en 12 (agste vak) wat middag aangebied word. Hierdie addisionele bedrag beloop **R1 500,00** per leerder per jaar.

#### 3.3 Inbetaling van gelde:

**LET WEL:** Indien u gebruik maak van **direkte bankinbetalings**, wil ek u graag versoek om die **deposito-strokie** met die **volle doopname en van** van die ingeskrewe leerder daarop aan ons **te e-pos of te faks** vir aandag: mev. Ria Louw – Finansies by *admin2@duineveld.co.za* of 054-3388288.

Bankbesonderhede:

Hoërskool Duineveld / Hoërskool Duineveld Koshuise

**Standard Bank, Upington: Takkode: 050704**

**Onderriggelde: Skoolrek. nr: 040 661 539 / Losies: Koshuisrek. nr : 040 663 094**

U kan ook 'n debietorder by mev. Riana Burger kom teken. Hierdie fasiliteit word deur die skool aangebied en word sterk aanbeveel aan al ons ouers as opsie vir betaling.

Ons vra dat u asseblief **op al u korrespondensie** aan die skool u kind **se van en doopname asook u kontaknommers** skryf. Indien die inbetaling nie vir onderriggelde of koshuisgelde is nie, skryf asb. **waarvoor** dit is bv. *O/19A-rugbytoer*.

*Vir enige verdere inligting of navrae skakel mev. R. Burger of mev. R. Louw (finansies) by 054-3388222 tydens kantoorure.*

Koshuis- sowel as skoolgelde kan ook vanaf 2018 met 'n kaart betaal word by die algemene kantoor van die skool.

#### 4. **Uitnaweke – Koshuis:**

Weens druk op die koshuise van arbeidsverhoudinge en toesig sal alle koshuise **gedurende uitnaweke gesluit** wees vanaf **Vrydagmiddag tot Sondagmiddag**. Leerders kan Sondagmiddag weer arriveer. Indien 'n probleem ondervind word, moet daar vroegetydig met die koshuis Superintendent of die Skoolhoof gereël word vir alternatiewe verblyf.

#### 5. **Toevoeging van Add-Maths tot kurrikulum:**

As verryking tot Wiskunde as vak, wil ons die geleentheid bied vir al ons leerders wat na skool 'n graadkursus met Wiskunde by 'n Tersiêre inrigting wil volg, om hul wiskundevaardighede te verbeter.

Dit wil ons doen deur aan die wiskunde-leerders die geleentheid te gee om onderrig in Add-Maths te verkry by mev. E. Visagie. Sy sal na ure die leerders help in graad 9, 10, 11 en 12 om die leerplan onder die knie te kry. Ons dank haar vir haar bereidwilligheid tot hierdie groot taak. Koste hieraan verbonde sal self deur mev. Visagie aan leerders deurgegee word.

#### 6. **OOV en Ondersteunersklub:**

Hartlike dankie:

Namens die Ouer Onderwyser Vereniging en Ondersteunersklub net 'n HARTLIKE DANKIE aan ieder en elk van ons ouers asook die personeel vir die afgelope jaar. Aan u wat ENIGE bydrae gemaak het met skenkings, verkope of hulp – dit word opreg waardeer. Dit was 'n baie suksesvolle jaar vir die OOV en die Ondersteunersklub. Ons het baie geleenthede gehad waar ons hard gewerk het en goeie vriende gemaak het. Die komitees doen 'n vriendelike maar dringende beroep op ons huidige ouers en ons nuwe ouers: *raak betrokke by Veltieland se aktiwiteite*. Vele hande maak ligte werk, ons doen alles vir Veltieland wat sal sorg dat ons kinders gehalte onderrig en sportgeleenthede ontvang.

#### 7. **Inskrywings vir Gr. 10, 11 en 12 – Eindeksamen 2018:**

Hierdie inskrywings móét voor **31 Januarie 2018** geskied. Alle leerders moet die volgende dokumentasie inhandig by hul registeronderwysers gedurende **Januarie 2018**.

- \* Twee gewaarmerkte afskrifte van hul ID. Indien leerders nog nie oor 'n ID beskik nie, kan leerders wel twee gewaarmerkte afskrifte van hul geboorte- sertifikaat inhandig en bewys lewer dat reeds aansoek gedoen is vir ID.
- \* Leerders van Namibië moet twee gewaarmerkte afskrifte van hul ID/Paspoort asook hul studiepermitte inhandig.

- \* Alle leerders wat wil kwalifiseer vir ekstra skryftyd of dat daar vir hul voorgelees moet word, moet 'n verslag van 'n skoolsielkundige inhandig. Let daarop dat hierdie verslag nie ouer as **1 Oktober 2017** mag wees nie.
- \* Neem kennis dat daar GEEN vakveranderinge vir Graad 12 leerders in 2018 gaan wees nie. Die huidige graad 11 leerders van 2017 moet voor 6 Desember 2017 alle vakveranderinge afhandel. Sien ook kennisgewing onder "Nuus" op communicator.

#### **8. Senior Sertifikaat Uitslae 2017:**

Die uitslagadviese sal **Vrydag, 5 Januarie 2018 om 08:00** by die skool beskikbaar wees, by die **Skoolhoof se kantoor**. Kontaknommer vir navrae: 054-3388222.

Uitslae sal op **Vrydag, 5 Januarie 2018** in die koerant verskyn.

Uitslae kan ook verkry word vanaf *Vodacom sellulêre netwerk by 082 234 9006 en SABC Newsbreak by 082 152. Uitslae sal ook op 5 Januarie 2018 op die internet beskikbaar wees by die adres: [www.matric.co.za](http://www.matric.co.za)*

***'n Geseënde Kersfees en Voorspoedige 2018 word u en u gesin toegewens.***

Duineveld Kersgroete.

R. VAN DER VYVER  
SKOOLHOOF